

以下參仕、民部卿式部大輔不參諸卿候朝所西庇敷地上大略被問行幸日於光榮朝臣申云來月十六日者依坎日不動申左府云云明日可定雜事諸卿可參入者左府云燒亡藏人三人祇候二人者依仰令運出御物今一人候御共又中宮侍人二人主上后宮徒步御中院此間路無參會上下人云云極悲事也入夜參中宮乍立歸詣左府宿所卿相多會談雜事相府深嘆恐所燒損事秉燭退出十七日辛酉定申神鏡燒損事其定趣者可改鑄歟將如何者諸卿定申旨一同也神鏡趣并相准事等先令勘諸道可被定歟若可改鑄者以俗銅不可混神物以所燒遺神物等可奉齋歟猶可被安置鏡體新以銅奉鑄相副奉安置如何抑先令進道々勘文後又令祈申伊勢大神宮兼依御占可被鑄造歟昨或識者卿相等於左府宿廬有可加鑄之議余不甘心今日未有事定之前於殿上談彼是今及定時變昨議從愚案如何定申詞左大辨書之左府令奏聞被仰可令諸道勘申之由中神鏡大刀契盡燒亡鏡僅有蕪自餘燒損無圓規失鏡形又有大刀契但魚符等少々在矣云云村上御記云天德四年九月廿四日燒亡云云廿四日重光朝臣申云罷到温明殿所求見瓦上在鏡一面其鏡徑八許寸頭雖有一破專無損上見之者無不驚惑又求得大刀契等云々又以所求得大銅魚形二隻女官等或謂是亦神也然而未知真偽大刀四柄室握並燒調度金銀銅魚符契合冊九隻或銘發兵解符其國或銘其官契皆作魚形相合如木契之趣云々廿五日清遠伊涉等令申又求得燒鏡一面銅魚契卅餘枚合前七十四枚雜劍卅柄之中可有節刀又加云々故殿御日記云恐所雖在火灰燼之中曾不燒損云々鏡三面中伊勢大神紀伊國日前國懸云々如件說似三面廿七日辛未有犬產穢略中內侍所依穢間不可奉渡撰吉日後日可奉渡者天德燒亡時懸奉安置縫殿左右近衛并寮官奉護移御冷泉院之後撰吉日更奉渡仍彼例後日可奉移又左右近衛并史一人可護候由被下宣旨戊二點自朝所幸東三條院警蹕侍衛如恒左大將於東門內仰御綱可張由大刀契鈴印等持候如例但大刀契燒損納新韓櫃所持候也大刀只有及契無殊損魚符損或不損云云政記權記百練抄

〔日本紀略十一條〕寬弘二年十二月十日甲申差遣參議右大辨行成卿於伊勢大神宮被申神鏡燒損事